



# MATERIALIAS «CHECK PROTECZIUN DA LA GIUVENTETGNA»

Cun nossas materialias da «Check Protecziun da la giuventetgna» che pon vegnir retratgas gratuitamain, As gidain nus a realisar las disposiziuns davart la protecziun da la giuventetgna al lieu - als lieus da vendita, en la gastronomia u ad occurrenz.

La **lescha federala e las legislaziuns chantunalas** prescrivan ch'igl è scumandà da vender u da surdar alcohol a personas sut 16 onns e da vender u da surdar spirituosas, aperitivs ed alcopops sco er products da tubac e cigarettas electronicas a personas sut 18 onns. Il personal dastga pretender in document d'identitad uffizial che conferma la vegliadetgna.

Da **l'ordinaziun davart victualias ed objects da diever** resulta che al lieu da vendita sto vegnir montada in'affischa bain visibla ch'inditgescha ch'igl è scumandà da consegnar bavrondas alcoholicas ad uffants e giuvenils.

Nossas purschidas e las materialias da «Check Protecziun da la giuventetgna» rendan attent a las disposiziuns legalas en connex cun la vendita d'alcohol, da products da tubac e cigarettas electronicas a giuvenils e simplifitgeschan uschia l'observaziun da las disposiziuns legalas davart la protecziun da la giuventetgna.

**Las suandantas materialias pon vegnir retratgas gratuitamain u chargiadas giu sut: [www.gr.ch/jugendschutz](http://www.gr.ch/jugendschutz) > Rumantsch**



## **Glista da controlla per organisaturas ed organisaturs da festas**

Format A4 (stat a disposiziun online sco PDF)

Per organisar festas As dat la glista da controlla impuls pratics, co che Vus pudais observar las leschas davart la protecziun da la giuventetgna.



## **Fegl d'infurmaziun per il personal da vendita e da service**

Format A5 (stat a disposiziun online sco PDF)

Disposiziuns legalas e reglas fundamentalas per la gastronomia e per occurrenz. Il fegl d'infurmaziun inditgescha las reglas da cumportament en connex cun la vendita d'alcohol a giuvenils.



### Tavlas d'infurmaziun/placats

Format A4, oransch


Al lieu da vendita sto vegnir montada in'affischa bain visibla ch'inditgescha ch'igl è scumandà da vender bavrondas alcoholicas e products da tubac ad uffants e giuvenils.



### Tatgader

Format 105 x 148 mm, oransch


Il tatgader fa endament - er sch'i dat pauca piazza - la protecziun da la giuventetgna (sco per exempel sin ina cassa - vesavel per la clientella).



### Bratschlets da controlla

Ad occurrenz vegni plinavant recumandà da far bain visiblas las gruppas da vegliadetgna cun bratschlets da controlla da differents colurs. Quai facilitescha al personal da la bar e dal service d'observar las disposiziuns davart la protecziun da la giuventetgna.

Tip: Designai adina er las personas creschidas cun bindels per controllar la vegliadetgna, cas cuntrari sa fan las personas minorennas pli «veglias» cun strair davent ils bindels.



Cun il **calculatur per controllar la vegliadetgna** avais Vus en egl da tut temp las datas correctas, cur che Vus controllais la vegliadetgna da giuvenils a chaschun da la consegna d'alcohol, da products da tubac e cigaretas electronicas. Il calculatur per controllar la vegliadetgna stat a disposiziun online:

**[www.gr.ch/jugendschutz](http://www.gr.ch/jugendschutz) > Rumantsch**

(disponibel mo per tudestg)

**Avais Vus dumondas pertutgant la protecziun da la giuventetgna? Nus As cussegliain gugent.**

### Contatto

Uffizi da sanadad dal Grischun

Post specialisà per la promoziun da la sanadad  
Hofgraben 5 | 7001 Cuira

Tel. 081 257 64 00 | [gf@san.gr.ch](mailto:gf@san.gr.ch) | [www.gr.ch/jugendschutz](http://www.gr.ch/jugendschutz)

Las purschidas menziunadas stattan a disposiziun per vischnancas, per manaschis, per uniuns e per autras instituziuns en il chantun Grischun.